

**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus  
Venetiis, 1706**

Decretum Sacræ Congregationis Episcoporum, & Regularium auctoriate Clementis X. editum, de Canonicis Regularibus Congregat. Lateranen. ad Curam Animarum in Ecclesiis secularibus exercen. non ...

---

[urn:nbn:de:hbz:466:1-62406](#)

## ADNOTATIONES.

**A C REGULARIA INSTI TUTA OBSE RVENTUR.**  
 Regulares Ordinis Sancti Francisci scilicet Min. Observantes, Reformati, & Cappuccini, non possunt facere contritus, quia nihil habent, quod in alium transferre valeant, *Clem. ex vi de verb. signif. Polit. in exposit. dub. Regular. cap. 6. n. 25.*  
*§. Quare inhærendo, Sacr. Congr. Episcoporum in Senogallien. recollectionis Nivis 7. Decemb. 1691.*

**2. MATURÆ ÆTATIS.** Qui dicantur maturæ ætatis, potest percipi, & definiri ex divisione ætatis hominis, quæ sexenarius numero completur, nempe. Prima est infantia, quæ durat usque ad septennium. Secunda ætas est pueritia, quæ durat usque ad 12. vel 14. annum. Tertia est adolescentia, quæ durat usque ad vigesimumquintum. Quarta est juventus, vel virilis ætas, quæ durat, usque ad quinquagesimum. Quinta est senectus, quæ durat usque ad septuagesimum annum. Sexta ab inde, & dicitur senium, aliarum ætatum terminus; prout ita dividit Gloss. in proœmio *Sexti Decretal. in verb. perfectus*, & declaratum est suprà à *Sac. Congregatione in response ad 21.*

3. Si autem Statutum, seu Constitutio loqueretur de Religiosis Graduatis, sub nomine Graduatorum non venirent Lectores, Magistri, Regentes, sed hi qui habent Dignitatem, prout sunt Provinciales, Rectores Provinciae, Visitatores, & alii hujusmodi habentes jurisdictionem delegataim: Nam prima officia sunt potius oneris, quam honoris, Pignatell. consult. 85. nu. 258. tom. 6. & declaravit *Sacr. Congregat. Episcoporum, & Regularium in Gaditana præcedentia 4. Augusti 1690.* in qua cum vigore Constitutionum Ordinis Sancti Augustini Religiosi inter se præcedere deberent juxta antianitatem — Exceptis PP. Graduatis, & Lectores sub nomine Graduatorum venire contenderent, ac favorable Decretum P. Generalis obtinuissent; causa per viam recursus ad Sacram Congregationem dela-

ta, sub dicta die responsum fuit—Decretum P. Generalis non sustineri.

**4. AC SUPERIOREM INHIBERE.** Superior Regularis gerens actum inhibitum, quod fieri non potest, nec permisum est sine causa urgente, vel necessaria, non creditur assertioni illius causam subesse, nisi aliundè probet, Ancheran. conf. 150. n. 8. *Navar. in comment. de spol. Cleric. super cap. Non liceat 12. quæst. 2. n. 8.* & conf. 56. de Regular. lib. 3. nu. 2. Tusch. lit. A. conclus. 535. n. 1.

Superior, qui debet vigore Constitutionum iubstitutum eligere pro gubernio in casu absentie, non dicitur ad hunc effectum, absens, si moretur in Domo Religionis positâ intrâ duas dietas, ut declaravit *Sacr. Congr. Episcoporum, & Regular. in Neapol. 10. Junii 1701.*

**5. S U B J A C E AT JURISDICTIO NI ORDINARII.** Episcopus visitat Domum residentię Parochi dependentis à Monasteriis Regularium, etiam non suppressorum, *Sac. Congreg. Concili in Augsburga 15. Junii, & 27. Julii 1652.* Pignatell. consult. 155. n. 9. tom. 4.

Ad Decretum Sacrae Congregationis Episcoporum, & Regularium auctoritate Clementis Papa X. editum, de Canonici Regularibus Congreg. Lateranen. ad Curam Animarum in Ecclesiis sacerdularibus exercen. non admittendis.

## SUMMARIUM.

- 1 *Regulares non admittuntur ad concursum Parochialium, sacerdularium.*
- 2 *Canonici Regulares comprehenduntur sub hoc Decreto, & responderunt auctoritatibus Pennotti, & Bordoni contrarium sentientium, & n. 3. 4. 5. 6. 7. 8. 9. 10. & 11.*

Cum

Cum fel. record. Greg. XIII. aliisque nonnulli Summi Pontifices ejus successores ad Regularem disciplinam in Congregatione Canonicorum Lateranensium Ordinis S. Augustini magis, magisque firmandam Decretis suis mandaverint, ne dicti Canonici Curæ Animarum in Ecclesiis sacerdibus exercendæ, juxta Constitutionem Innocentii III. recol. mem. incipien. *Quod Dei timorem, &c.* ceteroqui capaces ad hujusmodi Curam in prædictis Ecclesiis exercendam admittantur; quorum Decretorum observantiam retinendam esse non semel declaratum fuit; afferentibus verò è contrà quibusdam dictorum Pontificum mentem haud fuisse, certa perpetua lege lata Innocentianam Constitutionem prorsus abrogare; sed immò illorum Decreta, seu mandata cum ipsis exprasse; ac propterea pro diversitate temporum diversas forsan editas fuisse declarationes, & interpretationes, nec uniformem servatam proxim. Ideò ex predictis non infrequentes dubitationes, & controversiae subortae noscuntur, ob quas Religiosa quies perturbari facile posset accuratiùs in hoc sacro Ordine custodienda, cum illius Apostolica instituta primævam disciplinæ, ac sanctimoniaz antiquorum Clericorum imaginem, & symbolum referant, quibus ipsa nascentis Ecclesiæ primordia florebant.

Quapropter ad hujusmodi dubitationes explicandas, & controversias definiendas, atque ut magis accurata disquisitione eorum Canonicorum spiritus, & vocatio dignoscatur, qui dum in tranquillitate Montis Sion celestium contemplatione suavissimè paescuntur, ad frangendum in valle lacrymarum panem parvulis (videlicet è Clauistro ad regimen descensuri Parochialium) invitantur, Sacr. Congregatio Eminentiss. & Reverendiss. S.R.E. Card. negotiis, & consultationibus Episcoporum, & Regularium præposita, re mature examinata, atque audito P. Procuratore Generali d. Congregationis Lateranensis, speciali sibi auctoritate per Sanctiss. D. N. Clementem Papam Decimum vivæ vocis Oraculo attributa declarat, atque decernit. Ut in posterū futuris perpetuis temporibus nemo ex Canonicis Regularibus S. Augustini Congregationis Lateranensis, quamvis non translatus, ad Curam Animarum in Ecclesiis sacerdibus etiam de jure patro natus in perpetuum, seu ad tempus quocumque titulo exercendam admittatur, nisi præter Abbatis Generalis licentiam expressum quoque Sedis Apostolice Indultum accedat; quod juxta Sacrorum Ministrorum penuriam, & prout Animarum postulabit utilitas, in contingentibus casibus concedetur; itaut quælibet collatio, institutio, & deputatio, in favorem hujusmodi Canonicorum aliter facta, irrita prorsus, atque inanis censatur, & sit; ac nulla etiam triennialis longior possessio iisdem suffragetur: Canonicus verò, cui ejusmodi concessum fuerit Indultum, ad mentem præfati Innocentii III. (si commodè fieri possit) socium unum ex suo Ordine, & Congregatione secum habeat, cuius in iis, quæ Dei sunt, & Regularis Observantiae tam consortio, quam solatio perfruatur &c.

Non obstantibus quoad supradicta omnia, & singula in præsenti Decreto contenta, supradicta Constitutione Innocentii III. aliisque Constitutionibus, & Ordinationibus Apostolicis necessariò, & individuè exprimendis: Necnon &c. statutis; formula professionis in eo Ordine, & Congregatione emitte solita; consuetudinibus etiam immemorabilibus, exemptionibus quoque, indultis, & privilegiis etiam in corpore juris clausis &c. necnon irritantibus Decretis &c.

&c. quibus quoad ea, quae præsentibus adversantur, eadem Sac. Congregat. Sanctitatis Suæ auctoritate specialiter, & expressè derogat &c. Datum Rome  
hac die 18. Martii 1671.

F. M. Cardinal. Brancatius.

Loco  Sigilli.

C. de V. Archiep. Aiben.

(*Et sequitur d. Decreti publicatio.*)

### ADNOTATIONES.

1. Regulares licet jure antiquo in cap. in Parochia, & cap. Cum pro utilitate 16. quæst. 1. possent admitti ad regendas Parochias, hodie tamen jure novo etiam Canonici Regulares, eis non suffragante cap. Quod Dei timorem de stat. Monach. nisi à Sede Apostolica dispensentur, excluduntur, obstantes eis Decreto Greg. XIII. quod referunt Fagnan. in cap. Quod Dei timorem n. 16. & 17. de stat. Monach. Lauret. de Franch. contr. par. 2. qu. 86. nu. 1. & 2. ubi Pasqualig. Nicol. in fosc. verb. Regulares n. 24. Pirhing. in jus Can. lib. 3. tit. 5. §. 5. num. 118. & tit. 35. §. 2. nu. 18.

2. Et licet Canonici Regulares Sancti Salvatoris sub prohibitione hujus nostri Decreti, neque sub dicta nova iuris Censura non esse comprehensos in una Placentina Præsentationis contendenter, ipso sive de licentia proprii Generalis abfque Sedis Apostolice Indulto ad Parochiales Ecclesias vacantes concurrere, & de illis provideri posse in eadem causa sustinerent. Nihilominus Sacr. Congreg. Concilii ad quam causa erat devoluta, sub die 14. Novembr. 1693. respondit -- Uniantur Decreta, & causa proponatur formiter auditis omnibus Procuratoribus Generalibus omnium Canonorum Regularium, & interim cum Sanctissimo pro concessione Indulxit ad favorem P. de Georgis Præsentati cum clausula, quatenus opus sit.

3. Præcipuum fundamentum dd. Canonorum Regularium Sancti Salvatoris quo eorum incapacitatem excludere nitentur, innixum erat in auctoritate Gabr.

Pennott. in Histor. tripart. Canonic. Regular. cap. 72. quem sequutus fuerat Bordoni. Oper. Moral. tom. 4. tract. de præced. Canon. Regular. cap. 7. tit. de jur. Paroch. Qui Authores Constitutionem Gregorii adulterinam vocant, vel saltem non observatam. Secundum fundamentum exclusionis incapacitatis erant nonnulla Decreta emanata super illorum admissione absque Indulso. Tertium demum, quod præfens Decretum erat restrictum ad solos Canonicos Lateranenses, in quibus major ratio incapacitatis concurreret.

4. Verum apud majorem partem Eminentissimorum Patrum tunc in Sacr. Congregatione sedentium (prout mihi retulit Testis omni fide dignus clar. mem. Card. Petruccius) fundamenta prædicta nullius ponderis tunc erant, neque modo validiora apud me sunt.

5. Etenim quoad primum de Decreto, sive Constitutione Gregorii XIII. per viam legis universalis declaratoria emanata ad exclusionem omnium Canonorum Regularium, non videtur dubitandum: Quia de illius existentia, præter Authores suprà laudatos testantur etiam Novar. in Summ. Bullar. part. 1. commen. 36. & Corrad. in prax. dispens. libr. 6. cap. 1. numer. 7. & pluribus seqq. Unde omnes isti Authores apprimè in Curia, & in foro versati, sine dubio præferri debent uni Pennotto, qui scriptis in causa propria, ac alteri Bordono, qui cæca fide illum sequutus est, hi inquam redundunt suspecti ratione præsumptæ affectionis erga Religionem, pro qua certat Pennottus, qui fuit Canonicus Regularis.

6. Quo-

6. Quoad secundum, quod plures predicti Canonici Regulares Sancti Salvatoris fuissent ad parochiales admissi cum sola licentia Generalis, & quod ita observatum fuisset: Nullibi probatum solidè remanebat, quia ad talem observantiam probandam adducebatur fides nonnullorum Canonicorum Regularium ejusdem Religionis, ac unicum Decretum 23. Augusti 1692 emanatum nemine auditio, sicut opponente, quod rei iudicatae vim habere non potuit.

7. Et si Pennot. loc. cit. pro se alleget aliud Decretum Sac. Congregat. Concilii emanatum de anno 1602. quo Congregatio censuit Canonicum Regularem non prohiberi obtinere Beneficia Curata Sæcularia; animadvertebam quod illud, si adesset, circumscriptum remansisse per subsequentes contrarias ejusdem Congr. resolutiones, captas de anno 1628. 1629. & 1655. de quibus testantur Nicol. in flosc. dict. verb. Regular. sub num. 25. Pignat. consult. Can. 44. tom. 1. sub num. 25. & in Brixien. 15. Maii 1655. in terminis Canonicorum Regularium Sancti Salvatoris. Et sic intrat tritum axioma, quod posteriora derogant prioribus, ut in puncto declarationum hujus Congregationis nos docet Fagnan. ejusdem peritissimus Secretarius in cap. Quoniam post nu. 56. de Constit. Sarav. de jurisdat. 7. quæst. 18. num. 20. post Frances de Eccles. Caibed.

8. Et ad hoc firmandum, cum Decreto posterioribus Congr. Concilii pro omnibus Regularibus indiscriminatum latius concordat Decretum Sac. Congr. Episcoporum, & Regularium in una Cremonen. 1. Septembris anno 1603. emanatum, cuius verba refert Barbos. de jur. Eccles. univers. lib. 3. cap. 4. n. 79. circa medium, & aliud afferunt Gavant. in Manual. Episcop. verb. Canonicorum Regularium num. 3. Tondut. quæst. Benef. tom. 1. cap. 80. num. 15. Barbos supra Concil. cap. 11. sess. 14. de Reform. numer. 6.

9. Et tandem quoad tertium fundamentum, quod ratio prohibitionis nostri Decretri non dicatur vigere quoad alios Canonicos Regulares præter Lateranenses, penè futile remanere videbatur; quia nulla diversitatis ratio intercedit: Immò potius,

si unquam disparitatis nota in subiecta materia considerari valuerit in aliqua specie Canonicorum Regularium pro capacitate ad obtainendas Parochiales absque Indulso, certè favore Lateranensium ( qui in eorum professione promittunt Beneficia Curata extrà Ordinem non suscipere absque licentia Capituli ) militaret.

10. Si igitur Lateranensis virtutem est Ecclesiæ Sæculares cum Cura Animarum absque Apostolico Indulso suscipere, & retinere; multo minùs licitum erit aliis, qui strictioris vitæ institutum profitentur, ut observat Fagnan. in cap. Quod Dei timorem sub num. 17. de stat. Monach. & præsertim Canonicis Regularibus Sancti Salvatoris, qui potius Monachorum, quam Clericorum habitum retinent, & figuram faciunt, prout scripsit Card. de Luca de præeminen. disc. 24. num. 3.

11. Quicquid igitur esset dicendum de jure communis, & juxta dispositionem antiquarum Constitutionum Regularium & Apostolicarum, quas congerit Parentius, quem refert Tamburin. de jur. Abb. tom. 3. disput. 9. quæst. 8. post nu. 13. Hodie jure novo tenendum est absolute, quod Regulares omnes, & si Canonicci nuncupentur, absque Indulso Apostolico non possunt Beneficia Sæcularia in titulum obtinere ex supra deductis, quibus addo Gapon. discept. forens. 108. n. 77. Passerin. Religiosorum amantissimus in cap. Cum de Beneficio num. 3. de Præbend. & Dignit. in sexto, ubi breviter sic firmat: Quamvis enim ex DD. antiquis plures voluntBeneficia Sæcularia Curata posse Regularibus conferri sine dispensatione, quos abundè refert, & sequitur Sanchez lib. 7. summ. cap. 29. num. 35. tamen ex Decreto Concil. Trident. sess. 14. cap. 11. bodie hoc non verificatur, etiam in Canonicis Regularibus.

12. Credendum propterè est, quod via docti Passerini doctrina, omnes Canonicos Regulares in hac re acquiescant; cum verum sit, quod boni Amici consiliis anima dulcoretur, Proverb. 27. & quod satis lucretur, qui à lite recedit, ut dicit Abb. conf. 15. n. 1. par. 2.

13. In Ecclesiæ vero Parochialibus  
Mo-

Monastryis unitis etiam extrà Claustra quoties, vel jure speciali post Concil. Trident. concessio, vel ex tolerantia, & approbatione Ordinariorum locorum, ad nutum amovibiles Superiorum Religiosi deputantur ad exercitium Curæ, non possunt quatenus ab eisdem removeantur reclamare, ut censuit Sac. Congreg. Concili in Romana 17. Decembri. 1689. Neque congruam pro Curato Sæculari taxata m à Monasterio petere, nisi quantum indigent ad propriam, & onerum Ecclesiæ substentationem: Nam totum id, quod superest de congrua deductis alimentis & Ecclesiæ oneribus (ut potè quia Regularis deputatis non indiguit tota summa, aut quia frugaliter vivendo voluntariè ab usu abstinuit) est superfluum, quo Curatus Religiosus nec agere, nec suo arbitrio de eo disponere valet, & ideo acquiritur Monasterio, ut auditis partibus, & causa bis proposita ad utrumque respondit Sac. Congregat. Episcoporum, & Regularium in Mediolanen. Congruæ 4. Septembri. 1693. & 4. Martii 1694. contrà P. Amadeum Baldacci Monachum Cisterciensem Curatum deputatum Parochię Fallevecchiæ Granciæ Monasterii Muri mundi, proponente clar. mem. Card. Petrucci. Ad quas Ecclesiæ, Curatos etiam Regulares modo mox indicato præfici posse probavit Sac. Congreg. Concil. Aurien. 2. Maii 1693. & in Mechlinen. 28. Novembris ejusdem anni.

## CLEMENTIS P.P. X.

Constitut. in qua Regularium privilegia quoad prædicationem Verbi Dei, & Sacramenti Pœnitentiae administrationem declarantur.

## SUMMARIUM.

1. Regulares positi sunt in Ecclesia, ut sint cooperatores Episcoporum in procuranda salute Animarum. Episcopi primarij constituti sunt à Christo Domino ad prædicandum ibid.
2. Hoc probatur rūm ex Evangelio, ium auctoritate DD.
3. Referuntur auctoritates DD. super obligatione Episcoporum prædicandi Verbum Dei.
4. Quæ sint causæ legitime excusantes Episcopos ab onere prædicationis?
5. Allegatur sententia Pac. Jordan.
6. Allegatur sententia Pasqualighi.
7. Rejecitur sententia Pasqualig. & sequacium, & n. 8.9.10.11.12.13.14. & 15. & 19.
16. Episcopus tamen conatum adhibere pro remotione impedimenti, quo detinetur, ut non valeat Verbum Dei annunciare, & n. 17. & 18.
20. Quæ sint excusationes, quæ legitime reputantur? disceptatur, & n. 21. 22. 23. 24. 25. 26. 27. & 28.
29. Episcopos Verbum Dei non predicanter Author non damnat, sed cur non potuerit eos excusare rationes exhibet?

## CLEMENTS EPISCOPUS &amp;c.

**S**uperiora Magni Patris Familias præordinatione creditum Nobis universalis Ecclesiæ mysticum agrum circumspæcta providentia custodire, atque excole re (quantum ex alto conceditur) sat agentes, animum in eas curas libenter intendimus, quibus valeant diffidia inter villicos, & operarios componi, jurgia tolli, scandalis, atque offenditionibus aditus præcludi; ut quibus una fides, una Mater Ecclesia, & unus Dominus, qui charitas est, & pacis cogitans cogitationes, fiat etiam cor unum, atque anima una; sic eternum evulsis opportunè zizaniis, dum plantamus, & rigamus, incrementum dabit Deus; quo benedicente, messis multa, fructu centesimocelesti in horreum congregabitur.

I. Sa-